

## Члан 10.

Овај Правилник ступа на снагу осмог дана од дана објављивања у "Службеним новинама Федерације БиХ".

Број 07-1-25/1-1294-4/19  
19. децембра 2019. године  
Сарајево

Министар  
Шемсудин Дедић, с. р.

На основу члана 20. став 6. Закона о водима ("Службене новине Федерације БиХ", број 70/06) федерални министар пољопривреде, водопривреде и шумарства доноси

**PRAVILNIK  
O MINIMUMU SADRŽINE OPĆEG AKTA O  
ODRŽAVANJU, KORIŠTENJU I OSMATRANJU  
VODNIH OBJEKATA**

## Члан 1.

Pravilnikom o minimumu sadržine općeg akta o održavanju, korištenju i osmatranju vodnih objekata (u daljem tekstu: Pravilnik) utvrđuje se minimum sadržine općeg akta o održavanju, korištenju, osmatranju i postupanju u slučaju kvara ili havarije na vodnim objektima, za koje je ovim pravilnikom utvrđena obaveza njegovog donošenja.

## Члан 2.

Pored izraza navedenih u članu 4. Zakona o vodama ("Службене новине Федерације БиХ", број 70/06, u daljem tekstu: Закон) i definicije vodnih objekata iz člana 13. Zakona, izrazi upotrijebljeni u ovom pravilniku imaju sljedeća značenja:

- "održavanje vodnog objekta" označava redovno održavanje vodnog objekta, odnosno vršenje radnji, mjera i aktivnosti kojima se osigurava tehnička ispravnost vodnog objekta i opreme uz taj objekat;
- "korištenje vodnog objekta" označava rad (pogon) vodnog objekta za namjene za koje je izgrađen;
- "osmatranje vodnog objekta" označava redovno ili povremeno osmatranje vodnog objekta putem posebnih instrumenata i opreme za osmatranje i vizuelno osmatranje.

## Члан 3.

- Opći akt o održavanju, korištenju i osmatranju vodnog objekta (u daljem tekstu: Plan pogona i održavanja) donosi se za sljedeće vodne objekte:
  - zaštitni vodni objekti: nasipi, odvodni tuneli, brane sa akumulacijama, retenzije, ustave, crpne stanice, obodni i odvodni kanali i drugi pripadajući objekti ukoliko zaštitni vodni objekat ima opremu i uređaje kojim se može izazvati promjena režima voda;
  - vodni objekti za navodnjavanje poljoprivrednih površina preko 100 ha: brane sa akumulacijama, vodozahvatne građevine, crpne stanice, dovodni kanali i/ili cjevovodi, ustave i drugi pripadajući objekti i oprema;
  - vodni objekti za korištenje vodnih snaga (hidroelektrane): brane sa pripadajućim objektima i opremom i akumulacije, vodozahvati, dovodni objekti (tuneli, cjevovodi i kanali), strojare, odvodni objekti i drugi pripadajući objekti i oprema;
  - ribnjaci površine preko 1.000 m<sup>2</sup>, ukoliko imaju opremu i uređaje kojima se može izazvati promjena režima voda.
- Plan pogona i održavanja se obavezno donosi i za višenamjenski vodni objekat, ako mu je bar jedna od namjena navedena u tačkama (a) - (d) stav 1. ovog člana.
- Vlasnik, odnosno korisnik vodnog objekta koji nije naveden u stavu 1. ovog člana dužan je, u skladu sa uslovima

propisanim vodnom saglasnošću, odnosno dozvolom, vodni objekat namjenski koristiti, održavati u funkcionalnom stanju, osmatrati i adekvatno postupati u slučaju kvara, havarije kao i u slučaju vanrednih okolnosti (period velikih voda, period suša, zemljotres, nestanak pogonske energije i sl.).

## Члан 4.

- Planom pogona i održavanja iz člana 3. stav 1. ovog pravilnika vlasnik, odnosno korisnik vodnog objekta utvrđuje radove, mjere, postupke i aktivnosti za održavanje, korištenje i osmatranje vodnog objekta, način i uvjete za izvršavanje tih radova, mjera, postupaka i aktivnosti u redovnim i vanrednim okolnostima (period velikih voda, period suša, zemljotres, nestanak pogonske energije, havarija na objektima i opremi, planska sanacija, rekonstrukcija i remont objekata i opreme i slično.
- Ako je dva ili više vodnih objekata funkcionalno povezano u sistem, za sve vodne objekte tog sistema može se donijeti jedinstveni Plan pogona i održavanja ili pojedinačni Planovi pogona i održavanja koji moraju biti međusobno usaglašeni.

## Члан 5.

- Plan pogona i održavanja priprema se u skladu sa uvjetima propisanim u vodnoj saglasnosti, odnosno namjenom objekta, vrstom i veličinom uticaja vodnog objekta na režim voda.
- Planom pogona i održavanja obuhvataju se svi glavni i sporedni dijelovi vodnog objekta, odnosno građevinski objekti, hidromehanička, elektro i tehnološka oprema, skladišta i deponije opasnih i štetnih materija, sistem transporta i veza, oprema za mjerenje količina zahvaćene vode, oprema za mjerenje kvantiteta i kvaliteta ispuštene vode, hidrološke stanice za registraciju (mjerenje) hidroloških podataka od značaja za rad vodnog objekta, uređaji za mjerenja za posebne namjene i slično.

## Члан 6.

- Plan pogona i održavanja sadrži naročito:
  - Šematski i situativni prikaz u pogodnoj razmjeri vodnog objekta sa položajem i karakteristikama:
    - opreme (zatvarači, ustave, ventili, pumpe, turbine, elektrouređaji, dozatori i slično) čijom se direktnom (automatskom ili daljinskom) manipulacijom mogu izazvati promjene režima voda;
    - uređaja i opreme za odgovarajući monitoring (mjerenja stanja) u procesu rada vodnog objekta i hidrološki monitoring voda na čiji režim utiče ili može uticati vodni objekat;
    - sistema i sredstava veze (telefon, radiostanice i sl.);
    - sistema i sredstava za osiguranje i čuvanje vodnog objekta i opreme;
  - kratak prikaz rada vodnog objekta sa mogućim manipulacijama opremom i uređajima kojima se može izazvati promjena režima voda;
  - pogonske, hidrauličke, hidrološke i druge uvjete (vodostaji, proticaji, pritisci i slično) pri kojima se vrše odgovarajuće manipulacije opremom na vodnom objektu;
  - nadležnost, način izdavanja i provođenje naloga za manipulaciju opremom, kao i obaveza izvještavanja o stanju na objektu;
  - popis opasnih i štetnih materija (hemikalija) i postupak sa hemikalijama koje se koriste za rad vodnog objekta ili koje služe za rad drugih objekata, a koje mogu dospjeti u vodotok, u pogledu

usklađivanja, čuvanja, manipulacije, korištenja i drugih aktivnosti, sa naznakom da li je vlasnik odnosno korisnik donio plan koji obrađuje postupanje u slučaju akcidenata, ako se radi o subjektu koji je Pravilnikom o postupcima i mjerama u slučajevima akcidenta na vodama i obalnom vodnom zemljištu ("Službene novine Federacije BiH", br. 71/09 i 102/18) obavezan da isti donosi;

- f) postupanje na vodnom objektu i opremi u toku i poslije vanrednih hidroloških i drugih događaja (zemljotres, havarija i slično);
  - g) mjere, radnje i rokove za vršenje redovnog održavanja vodnog objekta;
  - h) način, elemente i rokove osmatranja (oskultacije) vodnog objekta, opreme i neposredne okoline;
  - i) program monitoringa koji obuhvata način, elemente i rokove vršenja monitoringa voda koji uključuje zahvaćene količine za korištenje voda na vodnom objektu (količina i kvalitet), ispuštene vode iz vodnog objekta (količina i kvalitet) i monitoring izvorišta odnosno recipijenta;
  - j) rokove i način pregleda (kontrole) rada objekta, opreme, naloga, manipulacija opremom, poduzimanja radnji održavanja, hidrološka i druga opažanja koji se moraju evidentirati, način evidentiranja podataka (dnevnik objekta) i način njihovog čuvanja radi osiguranja trajne mogućnosti uvida u sve podatke i stanja na vodnom objektu;
  - k) nadležnosti za evidentiranje i ovjeru podataka o vodnom objektu;
  - l) način osiguranja i čuvanja vodnog objekta, mjere onemogućavanja za neovlaštene manipulacije opremom na vodnom objektu, kao i način evidentiranja zapažanja i rada na obezbjeđenju vodnog objekta;
  - m) potreban broj, kvalifikacija i radno iskustvo radnika za rad na vodnom objektu i upravljanje vodnim objektom, uključujući i definiranje slučajeva ograničenja ovlaštenim radnicima za manipulaciju opremom.
- (2) Odredbe iz stava 1. ovog člana odnose se na redovna i vanredna stanja na vodnom objektu.

#### Član 7.

- (1) Plan pogona i održavanja donosi organ upravljanja vlasnika, odnosno korisnika vodnog objekta.
- (2) Izuzetno, ako je vlasnik pravo upravljanja i korištenja vodnog objekta prenio na drugo pravno lice, Plan pogona i održavanja donosi organ upravljanja pravnog lica na koje je preneseno pravo upravljanja i korištenja vodnog objekta.

#### Član 8.

Stupanjem na snagu ovog pravilnika prestaje da važi Pravilnik o minimumu sadržine općeg akta o održavanju, korištenju i osmatranju vodoprivrednih objekata ("Službene novine Federacije BiH", broj 18/07).

#### Član 9.

Planovi pogona i održavanja za vodne objekte doneseni po propisu iz člana 8. ovog pravilnika ostaju na snazi i poslije donošenja ovog pravilnika, a rok za njihovo usklađivanje sa ovim pravilnikom je dvije godine od njegovog stupanja na snagu.

#### Član 10.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 07-1-25/1-1294-4/19  
19. decembra 2019. godine  
Sarajevo

Ministar  
**Šemsudin Dedić**, s. r.

## FEDERALNO MINISTARSTVO RADA I SOCIJALNE POLITIKE

### 1738

Na osnovu člana 3. Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine ("Službene novine Federacije BiH", br. 31/08 i 27/12) a u vezi sa članom 26. Zakona o ustanovama ("Službeni list R BiH", br. 6/92, 8/93 i 13/94), koji se u skladu sa članom IX. 5 (1) Ustava Federacije Bosne i Hercegovine primjenjuje kao federalni zakon, federalni ministar rada i socijalne politike donosi

### RJEŠENJE

#### O RAZRJEŠENJU I PRIVREMENOM IMENOVANJU PREDSDJEDNIKA I ČLANOVA UPRAVNOG ODBORA ZAVODA ZA ZBRINJAVANJE MENTALNO INVALIDNE DJECE I OMLADINE - PAZARIĆ

#### I

- (1) Razrješavaju se dužnosti predsjednik i članovi Upravnog odbora Zavoda za zbrinjavanje mentalno invalidne djece i omladine - Pazarić imenovani Rješenjem o imenovanju Upravnog odbora Zavoda za zbrinjavanje mentalno invalidne djece i omladine - Pazarić broj: 02-02/10-1933/18 od 26.07.2018. godine, i to:
1. Janja Milinković, predsjednik
  2. Anes Kaleta, član
  3. Saida Kastrat, član
  4. Džana Kilić, član
  5. Enisa Hodžić, član.
- (2) Osobe iz stava (1) ove tačke razrješavaju se dužnosti radi neuspješnog rada ustanove.

#### II

Privremeno se imenuju predsjednik i članovi Upravnog odbora Zavoda za zbrinjavanje mentalno invalidne djece i omladine - Pazarić na period do najviše tri mjeseca a koji se ne mogu ponoviti u sastavu:

1. Anela Čović, predsjednik
2. Elvis Bekan, član
3. Mario Nenadić, član
4. Sulejman Haljevac, član
5. Martina Grgić, član.

#### III

Ovo rješenje stupa na snagu danom dobijene saglasnosti Vlade Federacije Bosne i Hercegovine i objaviće se u "Službenim novinama Federacije BiH".

Broj 02-02/5-1933-1/18  
03. decembra/prosinca 2019. godine  
Sarajevo

Ministar  
**Vesko Drljača**, s. r.

### 1739

Na osnovu člana 3. Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine ("Službene novine Federacije BiH", br. 31/08 i 27/12) a u vezi sa članom 26. Zakona o ustanovama ("Službeni list R BiH", br. 6/92, 8/93 i 13/94), koji se u skladu sa članom IX. 5 (1) Ustava Federacije Bosne i Hercegovine primjenjuje kao federalni zakon postupajući po zahtjevu Nenadić Marija od 10.12.2019. godine primljenog putem e-mail poruke dana 11.12.2019. godine pod brojem protokola 02-02/5-3221/19, federalni ministar rada i socijalne politike donosi